

明
詩
紀
事

明詩紀事

貴陽陳田輯

乙籤

瞿佑 十三首

佑字宗吉錢塘人洪武中以薦歷仁和臨安宜陽訓導遷周府長史永樂間謫戍保安洪熙時赦還有存

齋樂全集香臺百詠

詩談錢塘瞿宗吉組織工麗其溫飛卿之流乎田汝成西湖遊覽志餘瞿宗吉風情麗逸見之詩篇者往往有歌扇舞裙之興金公素謂之司空見慣者誠然也夏時正修杭州府志獨不錄其詩詞而白蘇楊薩偃紅倚翠之篇悉皆哀採豈非貴耳而賤目哉錢塘陳耑子肅者喜遊俠爲奇俊語宗吉甚奇之嘗春日遊湖有句云茜紅女兒歌白紵黑燕子來烏衣後商於閩中盤桓妓館賦詩云青銅三百一斗酒

荔枝十八誰家娘逾一歲而卒年二十三云宗吉作
念奴嬌詞悼之曰海山何處嘆人間別有芙蓉城閣
霧閣雲窗深幾許獨駕青驄超越香靄雲屏被翻錦
浪笑捧龍綃鏡驚鴻沒瘴雨蠻煙歸夢斷愁滿
瓊漿玉山自倒魂逐驚鴻沒瘴雨蠻煙歸夢斷愁滿
空梁殘月自倒魂逐驚鴻沒瘴雨蠻煙歸夢斷愁滿
晚何人共採薇蕨
歸田詩話元遺山編唐鼓吹專取七言律詩郝天挺
爲之註世皆傳誦少日效其制取宋金元三朝名人
所作得一千二百首分爲十二卷號鼓吹續音自爲
入句題其後云騷選亡來雅道窮尙餘律體見遺風
半生莫售穿楊技十載曾加刻楮功此去未應無伯
樂後來當復有楊雄吟窗玩味韋編絕舉世宗唐恐
未公既成求觀者衆轉相傳借或有嫉之者藏匿其
半因是遂散失不存再欲哀集無復是心矣
姜南洗硯新錄世之警者或男或女有學彈琵琶演
說古今小說以覓衣食者或北方最多京師特盛南
州亦有之嘗讀羅存齋過汴梁一詩云歌舞樓臺事
可誇昔年曾此擅豪華尙餘長溝柳老不藏鴉陌頭
隔紫霞廢苑草荒堪牧馬長溝柳老不藏鴉陌頭
女無愁恨能撥琵琶說趙家觀此則自昔蓋有之矣
田按宗吉才華爛漫詠古之作最爲警策若徒賞其

安榮美人行美人豎眉歌及漫興書生歎諸篇鮮不
爲才人之累矣

故宮人

金輪夜半北方起炎精未墜光先死青衣去作行酒人泥馬
來爲失鄉鬼江頭宮殿列巔岼湖上笙歌樂宴安魚羹自從
五嫂乞殘酒卻笑儒生酸格天閣上燒銀燭申王計就斬王
逌累世內禪諱言兵中興之功罪難贖開邊釁動終倒戈師
臣面首去求和木綿庵下新鬼哭誤國重逢賈八哥琉璃作
花禁珠翠上馬裙輕淚粧媚朔風吹塵笳鼓鳴天目山崩海
潮避往事興亡誰與論亭亭白塔鎮愁魂惟有棲霞嶺頭樹
至今猶說岳王墳

折花怨

雙雙蝴蝶翻金粉風裏流鶯棲未穩銀瓶吸水漑漑滴下階
自揀珊瑚枝雖然得入華堂裏未必春光願如此樹頭花落
還結子瓶內明朝抱香死東風一樣發陽和豈知中道有蹉
跎人生輕出棄根本失枝落節將奈何

舊鏡嘆

美人在時對鏡粧美人去後鏡無光玉臺零落白鳳凰錦衣
拋擲紅鴛鴦夜深悄悄聞鏡語何不持挂墳頭樹新人新鏡
自相宜舊物荒涼無所依

古塚行

白楊風送棠梨雨寒食原頭哭偃鬼馬醫夏畦有子孫歲歲
猶能來作主孤墳三尺掩黃沙多年白骨久無家妖狐穿穴

狡兔伏樹死枝枯
老鴉斷碑仆地土
花碧當日爭揮詆
墓筆文字摧殘讀
不成牧兒占作攤
錢石

春日卽事

晴日暉暉轉綠蘋
東風應候物華新
歸來燕子已知社
開到海棠方是春
淺碧平添湖面水
輕紅浮動馬蹏塵
杜陵野老雖貧困
援筆猶能賦麗人

夏晚納涼

竹床藤簟晚涼天
卧看星河小院偏
雲影恰如衣暫薄
月華那得扇長圓
清泉冷浸冰盤果
嘉樹香籠寶篆煙
想是高樓風更爽
玉人閑按十三絃

清明卽事

乙 鍾卷十三 三
風落梨花雪滿庭今年又是一清明游絲到地終無意芳草
連天若有情滿院曉煙聞燕語半窗晴日懸蠶生鞦韆一架
誰家院人隔綠楊聽笑聲

伍胥廟

一過叢祠淚滿襟英雄自古少知音江邊敵國方嘗膽臺上
佳人正捧心入郢共知讐已雪沼吳誰識恨尤深素車白馬
終何益不及陶朱像鑄金

題和靖墓

詩落人間有墓存誰歌楚些爲招魂愁連芳草春無迹吟斷
梅花月有痕華表柱存遼鶴返少微光賈楚天昏生芻一束
人如玉想像高風酌酒尊

阿嬌金屋

咫尺長門有別離
君心密記主家時
黃金作屋成何事
只辦相如買賦資

朝雲誦偈

春樹紅顏一擲梭
六如偈裏暗消磨
主翁不惜榮華過
一笑重逢春夢婆

師師檀板

千金一曲擅歌場
曾把新腔動帝王
老大可憐人事改
縷衣檀板過湖湘

看潮詞二首

嘉會門邊翠柳垂
海仙橋上赤欄欹
行人指點山前石
曾刻

先朝御製詩

一線初看出海遲司封祠下立多時須臾金鼓連天震忙殺

中流踏浪兒

西湖遊覽志餘郡人觀潮自八月十一日爲始至十八日最盛蓋因宋時以是日教閱水軍故傾城往看至今猶以十八日爲名非謂江湖特大於是日也是日郡守以牲醴致祭於湖神而郡人士女雲集傲倚幕次羅綺塞途上下十餘里間地無寸隙伺潮上海門則洩兒數十執綵旗樹盡傘踏浪翻騰躍百變以誇技能豪民富客爭賞財物瞿宗吉看潮詞須臾金鼓連天震忙殺中流踏浪兒紀其事也

鄧林 二首

林初名彝字士齊一字觀善新會人洪武丙子舉人授貴縣教諭永樂中改南昌教授擢吏部主事宣德中坐法戍保安遇赦晚居杭州有湖山遊詠錄退菴

集

保安留別傅存齋

兩鬢西風吹斷蓬杖藜扶病看秋容菊花渾似詩人瘦山色
不如歸興濃紫塞一杯桑落酒彤庭五夜景陽鐘燕鴻岐路
東西去此後相思意萬重

題山水畫送人歸羊城

數椽茅屋鎖煙霞
君住蒼巖第幾家
賣藥修琴歸去晚
東風開徧碧桃花

平顯

十八首

顯字仲微錢塘人以薦授藤縣知縣謫戍雲南晚授
校官有松雨軒集八卷

田按仲微謫滇沐縣國爲脫伍籍延之瑞府既以校
官歸沐景韶錄其詩入滄海遺珠選家據此採錄其
全集則未之見也余所得松雨軒集八卷乃鮑氏知
不足齋本首有張宗海序稱其歌詩變怪豪放良非
語虛

梨園載酒

柳絲鎖綠鴛巢煖
梨雲壓夢更籌短
春入滇南早幾分
鱗屋參差沸絃管
催花小雨風不顛
沈粧欲過城西園
翩翩飛蓋散霞綺
青驄歇酒雙連錢
白霓拖光挂林樾
縞練翻空炫晴雪
恍然似泛山陰船
十里清溪弄明月
冶桃穠杏非不紅
解與兒女爭嬌容
冰蕤昨夜裏香露
壓肌淨洗鉛華空
玉案峯頭夕陽墮
醉帽欹斜千百朵
溶溶月色始歸來
將軍未上城門鎖
及時行樂與衆同
遊候不驚年長豐
莫待平原草如翦

惆悵飄香曲水中

題萬松樓閣玩月圖

萬松樓閣參天起，擘翠開窗瞰江水。
風捲秋聲落怒濤，一片銀山月明裏。
宋都一百五十年，頽基故址遺荒煙。
飛龍舞鳳氣消歇，寒潮日夕空迴旋。
我家住在西湖北，幾度登臨弔陳迹。
掃雲高枕斲苓錢，相約山僧卧秋色。
房山老子天機精，誰家樓頭坐月明。
此時興發復不淺，寫詩作畫能雙清。
披圖卻在萬里外，白首神馳久吁怪。
何當便買下瀟船，歸踏濃陰聽竽籟。

題唐子華畫

芙蓉削翠幾千仞，雲氣蒼鬱藏飛樓。
沃州天姥宛相似，恍然

卷之三
欲作凌空遊羸驂之子邁何處赤腳長鬚沽酒去數椽茅屋
老斜陽一壑秋聲在深樹杖藜昔步仲谿頭隔林問魚雙釣
舟肥鰕縮項強一尺折柳貫之聽棹謳吳興意匠鵝溪絹風
景依稀夢中見白頭未往神獨歸洗硯題詩淚如霰

三茅歸養圖爲句曲鄒公勉題

三茅之山神仙所居虎龍餘氣磅礴爲區遠古鴻濛老鼓鑪
造化鑑六丁運飄輪鑄劍如昆吾紫霞蕩射赤蟠螭平地亂
瀛青珊瑚鄒林之下鄒公宅兩翁顏童顛雪白人傳千年葛
綠華來嬪洗懣淨邽伯夜半虛空聞打麥雙崖響應裂如壁
山中宰相脫塵去服食至今皆琥珀青童舞力倦戲浴碧井
丹罡風天上寒吹墮點蒼山琳宮絳閣不可攀濯足洱水波

潯間茅君白鶴飛鸛鷖借招一隻騎之還兩翁顧而笑扶攜
陟瑤壇玉杯九醞零露溥海藤作杖如琅玕按歌綠雲璈俯
仰八極寒青邱弱水東漫漫若木倒景搖三韓素娥纖手折
庭桂一枝贈出爛銀盤

聞仲容弟居橫里

令弟謀生亦有涯橫溪移屋就魚蝦藕花官漾十三里桑陰
鄰村百數家颺字帘風誇魯酒賣絲船雨避吳娃白頭兩地
遙相憶夢遶脊令原上沙

和張眞居詩韻爲陳景中作

石屋雲蒸菌亦斑菌巢人已隔玄關當年興動開陽室五月
詩成浴鵝灣灰死鼎爐餘藥冷塵生窗戶落花閒神交故舊

應同否知在蓬萊第幾山

寄天佑

圓通長老獅子能外形骸似大顛手種松秧今幾尺吟成
詩句已三玄未丹雘鶴巢中伏不雨神蛟洞底眠萬里書來
慰岑寂開緘宛若對深禪

寄題李得全池亭

池亭春色浩無涯看到高秋次第花隔竹日聲烹紫茗出林
丹火轉黃芽閒驚鶴夢敲楸玉坐曳魚羹傍釣車遲我重來
分十詠好占庭樹鵲楂楂

安眠軒卷

金壺偶酒浮提汁一落人間又幾年白鶴瑤笙聲已遠驚蛟

銀榜勢猶竊親王翰墨千鈞力長史文章百世傳他日載書
歸皓首錦囊光采照青田

贈王克佐歸杜濱

巾子峯頭月正秋觀光歸繫柳塘舟故園松菊存三徑上國
衣冠快一遊靜著醫方爲祕要穩敲詩句入冥搜阿咸況是
青雲器早晚除書報竹樓

宿仲徵弟家

楊柳風高散碧絲踏潮初上晚涼時塵埃迹遠清無暑山水
情深快有詩蓬首百年同氣客荆花千里故園枝新秋小圃
多生意菱芡菱荷已滿池

贈蔡彥吉

仙客騎鯨下葛灣白頭塵迹幸相攀詩留翠壑蒼崖上名在
丹臺紫府間風泐不波尊正滑雪籬將凍菊猶斑洞眞觀裏
桃開日尙欲重來問大還

寄無垢垠公

爲愛招提無垢氛隨歸鳥到前村柳陰孤艇入港汊竹裏
一燈明寺門曾見海枯僧白首苦榮塵慮客黃昏所懷所蘊
不傾倒落月使人牽夢魂

謝孫德齋惠茶

謾誇龍井靈芽好爭及鶴山天味眞一夜蟄蟲蘇厚土萬槍
香翠茁先春惠占館下羣公子詩謝江南老道人清吸銀瓶
聽松雨不勞躬拾墮巢薪

題黃鶴山人王叔明畫

我昔見之湖上居，當門萬朵翠芙蕖。
承平公子有故態，文敏外孫多異書。
閒吮彩毫消白日，夢騎黃鶴上清虛。
此圖定倚吳山閣，醉點南屏春雨餘。

謝毡衫

新染滇波色未乾，氍毹香絮煖成團。
行春不濕杏花雨，踏雪可衝驢背寒。
捲霧遠來天萬里，壓風高卧日三竿。
客來坐席真溫厚，獨愧才名亞冷官。

題扇寄滇南

林泉有約共投閒，歸伴先生放白鷗。
昨夜夢魂清化鶴，戛然鳴到碧雞山。

琵琶士女

斜蹙金蓮小鳳頭紫檀香煖弄纖柔此心舒卷同蕉葉祇恐

西風不耐秋

郭文二首

文字仲炳昆明人

丹鉛總錄滇中詩人永樂間稱平居陳郭郭名文號
舟屋其詩有唐風三子造不及也如竹枝詞云金馬
何曾半步行碧雞那解五更鳴儂家夫婿久離別恰
似兩山空得名又登碧雞山太華寺一聯云湖勢欲
浮雙塔去山形如擁五華來一時問筆信佳句也但
全篇未稱耳其全集子嘗見之如二詩者亦僅有也
靜志居詩話舟屋竹枝詞顧仲瑛編入玉山雅集則
是詩元季已流播矣用修稱是永樂間人其集既不
可得無由臆決偶閱柯邇東岡集附錄滇南別意詩
則平居陳郭四人之作皆存焉平名宣武林人居名
廣海昌人陳名謙吳人東岡跋云郭居皆武土中賢
者郭善詩文征南將軍都督沐繼軒璘師之居精吏

事總府辟掌簿書數十年得官陳官鎮撫有詩名宣
則松雨先生知縣事顯字仲微考東岡引疾去滇在
雨先生者知縣事顯字仲微考東岡引疾去滇在
景泰二年七月別意詩卽是年之作郭於元時撰竹
枝入明八十四年未必尙存用修雖稱見其全集竊
疑竹枝非集中詩玉山雅集所載當別是一人也
滇南詩畧郭舟屋布衣買舟青草湖嘯咏自得都賢
沐璘聞而造之避蘆中不見一日揮去侍從攜小童
幅巾斗酒移棹物色
相與論詩文訂交

登太華蘭若

夕陽滿秋山餘景落滇水捨舟事幽討路入泉聲裏風傳隔
寺鐘葉響登山屐嗟我久紅塵遊賞從茲始

常州旅宿

隄邊流水高於城搖搖孤艇如空行欲晴未晴小雨外斷虹
落日爭鮮明峨峨塔勢遠淩漢隱隱雁行斜墮汀遊人夜向

酒樓宿月明風冷吳歌清

唐文鳳 三首

文鳳字子儀歙人桂芳子永樂中以薦授興國知縣

改趙府紀善有梧岡集

四庫總目文鳳詩文豐縟深厚刊落浮華能不失其家法

田按紀善詩骨幹老蒼如豫章凌雲非復尋常近賞

題李營邱枯木圖

營邱枯木天下無筆端造化何榮枯想當磅礴欲盡際天爲
逐興神爲驅鄧林已化防風骨滄海仁出珊瑚株長材何異
徂徠產大用不值明堂需自憐形質放斤斧豈嘆薪爨供樵
蘇萬牛回首力未許獨匠指願心難圖空遺偃蹇蔽村野白

石鑿鑿泉鳴鳴枯梢似挂瘦蛇影亂葉恍茁乖龍鬚只今廊
廟重締構梗杙杞梓當貯儲接圖工師儻所取意營目盼增
嗟吁

上東門行

上東門在何所河陽城南瀍水潯舊時繁華今已空惟有當
年一坏土聞說漢家全盛秋門前列第皆王侯朱輪翠轂日
來往凝笳疊鼓長喧啾畫棟雕檐接宮觀十里香塵飛不斷
天上頻頒丹詔下民間屢免田租半白髮老人不識兵閭閻
小兒歌太平鬪雞走馬尋常事豈有紛紛愁嘆聲乞歸二傅
章初上曾此公卿盛供帳道旁觀者如雲屯雜綵從車凡幾
輛韶華轉眼流星過倏忽荆棘埋銅駝蓬蒿挂冠固已矣石

勒倚嘯將如何往事傷心難自保惆悵東門不能道君不見
北邙山頭四五陵玉匣珠襦委荒草

白霤港

晚泊豁吟緒行行步渚沙雨添新柳耳水減嫩蒲芽烏鬼來
漁艇青蚨付酒家微風吹短褐倚杖數歸鴉

陳亢宗

二首

亢宗名宗以字行永嘉人兵部員外郎

賜午門觀燈應制

二首

鼇峯千仞鬱嵯峨萬蠟融春洽太和明月只隨仙仗轉紅雲
偏近御筵多旌旄影颺黃金闕絲竹聲翻白雪歌萬歲三呼
頻祝頌醉歸數問夜如何

白玉仙京上帝家六龍遙駕五雲車巨鼇此夕移三島火樹
迎春吐萬花水咽宮壺留夜色懽騰黎庶樂年華承恩盡醉
歸來晚一派鈞天隔彩霞

靜志居詩話唐人譙集賦詩每推一人擅場如昇平
公主席上李端擅場送王陵鎮幽朔韓翃擅場劉相
巡江淮錢起擅場他未暇悉數永樂中命翰林賦白
象則胡庶子廣第一賦神龜則王贊善汝玉第一午
門觀燈則陳員外亢宗第一

陳景融一首

景融字菊逸嘉興人雷子

次飲酒懷古韻答張子英

日月不我與光陰年復年不知千載後孰識千載前死生固
虛誕彭殤亦徒然浩歌且復飲賦命存乎天

鮑仁濟 一首

仁濟字原弘黃巖人洪武中除樂清訓導永樂初遷
伊府紀善有怨庵集

絕句

涉水采芙蓉江空曉雲濕脈脈無一言獨背西風立

李進 二首

進字孟昭嘉興人永樂初聘爲府學訓導有西園先

生集

美南選 宿錢鍊李
孟昭詩醒藉可愛

題豐樂樓圖

錢唐城郭帝王州勝概千年尚有樓南浦雲開朱箔曉西山

雨歇畫欄秋。玉人歌舞成春夢。芳草王孫非舊遊。物換星移。
遺跡在。蕭條殘墨不勝愁。

春暮有懷李孟璿

煖煙無力度。鄰牆風裊遊絲拂地長。深院獨眠淹病酒。衿羅
初試淺薰香。新巢燕子來如約。未謝梨花待洗粧。綠草滿池
春欲去。幾隨詩夢到君傍。

錢遜一首

遜字謙伯。紹興山陰人。洪武末。以薦授甯夏提舉。水
利吏目。永樂初。遷孟津知縣。改弋陽。坐累。戍交趾。復
官。文昌主簿。有謙齋集二十卷。

胡人醉歸曲

貂帽錦靴明繡衣調鷹射虎捷如飛紫髯寒作蝟毛礫碧眼
夜看霜月輝箏箏聲中傳漢曲琵琶帳底醉明妃更深宴罷
穹廬雪亂擁旌旄馬上歸

張振一首

振字孟起海鹽人宣德間官重慶知府

南屏山房

插天青壁障湖南結屋何愁地主嫌綠樹交陰連古剎白雲
移影落虛檐檐頭引水惟剗竹門裏看山只捲簾更傍東籬
閒採菊悠然相對卽陶潛

錢隄二首

隄字允輝嘗熟人浙江都司經歷有避菴集

過江

篷底紫香午夢醒
大江風急正揚舲
浪花作雨汀煙濕
沙鳥迎人水氣腥
三國舊愁春草碧
六朝遺恨晚山青
不知別後東湖上
誰愛菱歌倚棹聽

一作張東海詩

贈澄江周岐鳳

琴劍飄零西復東
舊遊清興幾人同
一身作客如張儉
四海何人是孔融
野寺鶯花春對酒
河橋風雨夜推篷
機心盡付東流水
惟有家山在夢中

麓堂詩話周岐鳳多藝能坐事亡命扁舟野泊錢鏐投之以詩云云岐鳳得詩爲之大慟江南人至今傳之

余吉祥一首

吉祥字大昌黃巖人永樂中官禮部主事

題蕭翼賺蘭亭圖

江右風流數王謝右軍詞翰尤瀟灑當時已重東山公況乃
遺流百年下暮春之初天氣新蘭亭觴詠無雜賓乘歡紀事
興不淺行草半兼書入神要將翰墨貽孫子百本再書那得
似辨才秘此亦癡絕蕭郎得之何太詭龍顏日角眞天人把
玩一笑生陽春太平正須堯舜治底用曲藝勞其神虎卧龍
跳固莫比區區玉匣猶殉死眞蹟終翻定武碑墨本至今存
有幾畫師貌得蕭郎事寂寞粗蠹殊失意卷圖得失兩茫然
對客且談貞觀治

袁鑑一首

鑑字伯時上虞人官太湖尉

曉出西郭

路入山陰道蒼茫雲水連青山環曉堞綠草帶晴川楊柳人家屋葦葭水檻船相過感疇昔回首意茫然

吳鎮二首

鎮字稽陽吳江人

寄徐汝成先生

落日停橈采白蘋空將遠意問行人音塵杳杳三千里芳草萋萋又一春每向詩中成晤語還於夢裏得相親燕山明月吳江水照見飄蕭鶴髮新

送人還新安

津亭芳草碧萋萋人立東風酒半酣
萬點落花舟一葉載將春色到江南

羅紘一首

紘字孟維紹興山陰人有蘭坡集十二卷

田按孟維博學修行及門之士著名者
張璪輩二十餘人子周孫碩皆能詩

題畫

入山採靈藥山深愁日短空林獨自行
木客時爲伴朮肥晨露滋芝潤春泥煖
荷鋤暮歸遲前溪白雲滿

明詩紀事

貴陽陳 田輯

乙籤

劉績十一首

績字孟熙紹興山陰人渙子有集

國雅孟熙會稽名家才思雄健長歌頗放誕如馬嘶
秋草濶鵬落暮雲平野雪消不盡春江流正深屬興
豪華非鄙促語
田按會稽三劉稱詩孟熙最爲傑出隱居不仕人稱
西江先生

去婦詞

去婦兩眼淚爲君滴平生一滴致妾意再滴感君情三滴眼
欲枯血點淋香纓不滴堂前花死株有時榮不滴階畔草苦

心展芳萌請滴橋下水長煎嗚咽聲

大隄曲

春風起大隄歷亂樓前柳樓頭多女兒解勸襄陽酒襄陽估
客足黃金百千爭買女兒心茱萸帳薄燈光透翡翠衾重蘭
氣深蘭氣未消燈未滅合歡交綰丁香結良霄一刻惜如金
黃金易擲情難歇前船南商去後船北商來不知妝鏡匣今
夕爲誰開

題宋院人畫著苔梅

濃露洗花骨苑空勞勞春綠闌疊仙帔粉姿疑笑人畫屏罨
幽夢夜苦香不歇楚竹裂鳳膺恨魄如懸玦

王山農畫梅歌

玄冥凍律凝陰谷山魃幽幽弔僵木誰卷鯨機一尺煙鋸刀
碎刻藍田玉博羅仙人調小鳳瓦冷霜華不成夢火薰金鴨
蘭氣溫鐸窗斜月淡幽痕

帆山夕照送顧大往遼海

落景石帆秋餘紅挂樹頭斜憎樵笛送遲賴估檣留魄落光
猶閃帆遙綵漸收依依映旌旆遠過城西樓

題二姝撫嬰圖

休織流黃罷養蠶桃根桃葉並清酣龍綃卻暑肌香膩蟬翼
凌風鬢影參常恨畫中題荳蔻誰教窗下種宜男螽斯合備
房中樂見說如今化已覃

古築城詞

力限秦與胡築城爲疆界那知楚漢兵不在長城外

書扇

家遠綠川長回舟蒨菰香緩聲歌白苧明月墮橫塘

憶原上人

一兩棕鞋八尺藤廣陵行徧又金陵不知竹雨松風夜吟對
秋山那寺燈

聽胡琴

胡絃輾軋語星星破入甘州便淚零一種尊前沈醉客解聽
爭似不曾聽

李迪畫蘆雁

遠別胡天趁稻梁秋風吹斷不成行夜深獨宿江南渚夢怯

黃蘆葉上霜

偶桓 六首

桓字武孟太倉衛人洪武中以薦爲崇安從事授桂
林河泊大使永樂中終荊門州吏目有江雨軒稿醉

吟錄鳳臺吟嘯集

姑蘇志武孟少嘗接識楊維禎倪瓚瓚謂其詩有超
乘挽絕之力日升川至之漸

梅花草堂集偶武孟落拓嗜酒喜吟咏年八十二卒

嘗自作挽詩云堪憐八十白頭翁自笑生前萬事慵

北闕薦賢雖有刻南村作守竟無功耽詩不愧詩才

拙嗜酒惟愁酒盡空留得五湖風月在浪遊誰復繼

遺踪著江雨集遊秣陵雅慕醉吟先生在爲人又作

醉吟錄行於世

錢大昕十駕齋養新錄江雨軒稿入卷自題義陽偶

桓武孟按太倉志偶桓字武孟少嘗接識楊維禎倪

瓚瓚亟稱之洪武二十四年應秀才舉爲崇安從事

授廣西桂林河泊大使終荊門州吏目致仕歸遇淮

南故人蔣文用卽隨入京僑居建安坊下放情觴詠
久之乃還卒年八十二家桃源涇者卽舊涇也明初
陸牛又號海翁志所云桃源涇者卽舊涇也明初
涇尙屬崑山縣故黃容敘其集稱爲崑山偶武孟也
其辛卯立春日試華詩云野老行年七十三是武孟
生於元順帝至元五年己卯其卒當在明永樂十八
年庚子矣武孟有自題桃花書屋太平老作葛天民
住桃源曲手種桃花結書屋太平老作葛天民自喜
無榮亦無辱又有元夕寫興寄舊上諸友詩予所藏
乃葉文莊菜竹堂鈔本前有巡撫宣府關防印
田按偶武孟選元人及明初詩題曰乾坤清氣錢塘
金弘選元人詩亦曰乾坤清氣貝廷琚爲作序見清
江集武孟江雨軒稿世不多見予檢陸文量菽園雜
記云子觀政工部時葉文莊公爲禮部侍郎嘗欲取
吾崑元末國初以來諸公文集擇其可傳者或詩或
文不出十篇名曰崑山片玉以傳命予採集之若郭
翼叢仲林外野言殷奎孝章強齋集袁華子英耕學
稍易恆久成泗園集呂誠敬夫來鶴軒集朱德潤澤
民存復齋稿林鍾仲鏞松谷集沈丙南叔白雲集馬
廩公振淞南漁唱屈昉季明寓庵集王資之深瑞菊
堂集鄭文康時父平橋稿偶桓武孟江雨軒集之類
不久子除南京吏部主事恐致遺失俱以送還鄉先

輩之美竟泯泯矣錢竹汀江雨軒集跋云得自葉竹堂鈔本當卽文量所見者也明史藝文志四庫提要均未著錄安得好事者爲物色而甄錄之

題李道衡畫

昔從金焦赴江夏隨路看山如看畫蘭船久泊琵琶亭徘徊獨向匡廬下眼空九疊芙蓉屏紫煙燄奪香爐青秀色無端豈能攬胸次直欲吞崢嶸卻笑不如謝康樂陟峻探奇恣盤薄回首十年如夢醒豈得無情戀邱壑如今見畫如見山豁然沈我塵土顏丹崖翠巘隱樓觀神遊窮窅難躋攀盤盤磴道凌雲起有客攜筇領童子拄杖過橋無垢氛行處流霞黏步履瀑流一派懸絕壁下噴風雷幾千尺樵兒赴薪爭渡溪白石青泉相蕩激怪松倚澗騰虬龍支撐日月摩蒼穹茯苓

琥珀出其下采掇恐有商山翁老夫本有山水癖一落人寰
頭已白欲卜幽棲恨未能對此長歌空嘆息

歲暮

忽忽歲云暮朔風吹客衣卻因鄉井近轉覺信音稀山響
鼙江空鶴鶴飛百年渾潦倒底事未能歸

清真觀

殿閣峨峨轉夕暉放生池上客來稀應知羽士登真去獨見
山童汲澗歸雲冷松巢空鶴鼈雨荒丹竈長苔衣野人素有
煙霞癖欲向玄關共息機

題唐人馬圖

內廐多龍馬奚官晚更調獨矜紅叱撥老氣壓天驕

王孟端墨竹

龍香細細霜藤滑寫出瀟湘碧玉枝傾耳風簾明月夜飛瓊
何處弄參差

懷友次陳石泉韻

楓林葉赤露華濃來往晴沙一逕通遙望美人秋水隔蘋花
吹老楚江風

郭塵二首

塵字敬夫福州人有鏡湖清唱

石倉歷代詩選徐興公云國初吾郡詩人輩出十子
而外復有二十餘家郭敬夫涇沒二百餘年無有知
者予近得鈔本詩百十篇敬夫青鋪嶺絕句云家林
想在空濛外一帶螺江隱翠微又有門前湖白與山
青分攜空過白湖亭之句其所居當在白湖螺浦之
間與鳴秋山人相鄰並也

暉上人獨坐亭

石逕通幽境，岩亭古木深。
禪扉生晚翠，羅幌挂秋陰。
止水空中興，孤雲物外心。
澹然無一事，殘月下東林。

士琛家宴歸賦以贈之

我愛南湖客，清風兩鬢絲。
久聞陶令趣，長與遠公期。
醉倚花前石，行吟竹外池。
葛巾仍不著，日日挂東籬。

施敬四首

敬字孟莊錢唐人謫居滇

田按孟莊謫滇南征途中寄錢唐親友云萬里移家入瘴煙故鄉音耗若爲傳衡陽自古無來雁況去衡陽路八千沐景福錄其詩入滄海遺珠

寄伯瞻

別後悠悠渺所思使來渾不寄新詩雲林一去無多地風雨
相違又許時茅苕綠深江路草枇杷黃盡客寄枝多情惟有
西齋月曾照清宵醉酒巵

沙津送客登望江亭

沙市津頭送歸客西風江樹數蟬鳴夕陽靄靄眾山暝秋水
迢迢雙鷺明蔓草已蕪王粲宅亂雲長繞呂蒙營登臨不是
攜尊酒若箇能平慷慨情

秋塘曲

蓮謝秋塘晚風來野水香采蓮休采葉留蓋睡鴛鴦

漁人

浪迹煙波薄名利釣舟長傍酒家橫白魚青菜桃花飯不識

憂愁過一生

鄭嘉一首

嘉字原亨紹興山陰人有柳莊集

送辰長老住橫山寺

紫檀煙靄鶴迴翔清磬泠泠出上方
岩畔異花薰講席澗邊修竹護禪房
東林結社蓮新種南岳分春茗乍香
三伏炎蒸應不到綠蘿風洒石潭涼

毛鉉一首

鉉字鼎臣紹興山陰人以薦官國子學錄有北郭集

田按鼎臣以詩名與唐之苗劉續蔡庸稱唐劉毛蔡詩品略相似

剡溪霽雪送原上人

積雪蔽招提虛室夜生白開門不見人鳥棲山正寂疏星帶
長汀澹月照幽壁此境足安禪何爲迷所適

蔡庸一首

庸字惟中紹興山陰人有庸菴集

輓憲上人

舊禪棲古越旅櫬隔新亭社散蓮猶白吟餘草自青鳥迷行
道路蛙產灌蛙瓶聽絕晨參磬寥寥入杳冥

李勣一首

勣字文勉紹興山陰人

田按文勉性不羈好與文士遊鄉先生劉績王誼鄭
嘉謂曰爾欲與我輩遊須讀書乃可感悟力學成名
時人稱劉
鄭王李

爲李公子悼妾

珠沈碧海玉沈淵空向芳春憶舊年
鳳管已停花底奏鸞牋猶記月中聯
珊瑚淚暗新遺枕玳瑁塵生舊舞筵
一自楚天雲雨散酒醒無奈夢嬋娟

張璪一首

璪字蘊之岷人有駉齋集二十卷

姜南洗硯新錄宋徽宗善圖繪多畫翎毛今人家往往收之問有近代名人題詠其上或譏之或惜之如忠勤伯汪公廣洋雙鴛圖云蘆葉青青水滿塘文鴛晴卧落花香不因羌管驚飛起三十六宮春夢長釋子來復喜鵲圖云黃沙風急蕩秋回首中原淚暗流誤聽當時靈鵲語誰知舊喜是新愁釋宗泐小鵲圖詩云落日黃塵五國城中原回首幾含情已無過雁傳家信獨有松枝喜鵲鳴又雪江獨棹云良嶽秋深百卉腓胡塵吹滿袞龍衣淒涼五國城邊路得似寒江獨棹歸周仲方雙燕圖云江南簾幕重重雨良

嶽河山處處花兩地舊巢傾覆盡西風萬里入誰家
張璠畫蘭云御墨淋漓寫楚蘭披圖卻憶政宣間分
明一種湘纍怨萬里青城似武關
田按蘊之詩襲溫李遺派律體較幽無襲續之痕

紫虛觀

紫峯壇上鶴成羣碧洞靈芝長石根雲引晝陰歸竹鳴水流
春色出花源藥爐伏火仙留訣茶竈生煙客到門欲就上清
傳寶籙未知何日謝塵喧

朱純一首

純字克粹紹興山陰人有陶鉛驢背自怡等集

姜南醉經堂誦糟編山陰朱克粹詠游絲一律云紫
陌遙看一縷微龍煙曳日轉依依不綠蛛網紫鈿合
肯逐鶯梭上錦機香逐落花低趁蝶暖隨柔絮欲沾
衣無由繫得東君駕空向春風上下飛咏物之作不
減前人韻格也
田按克粹與羅願張翥輩結鑑湖詩社

天寶宮詞

長安胡騎正啾啾
塵暗宮花粉黛愁
鳳輦不知何處去
野鳥啼月上延秋

鄧定

三首

定字子靜閩人有畊隱集

小草齋詩話國初鄧布衣定題昭君出獵圖云傳呼莫射南飛雁欲寄平安到漢家一時傳詠以爲絕唱然元陸子方昭君詞云勸君莫射南飛雁欲寄思鄉萬里書信哉詩不蹈襲之爲難也

善溪徐無用山房

幽居多野況麋鹿自爲羣
水向雙溪出山從絕頂分
松窗朝聽雨石碓夜舂雲
我亦逃名者相期避世氛

南澗寺

諸天樓閣倚層空
下視扶桑積水東
山色澗含烏石雨
鐘聲遙度海門風
萬家井甕炊煙白
幾處江城返照紅
聞道講師曾說法
曇花飛繞梵王宮

江上送客

別酒臨行醉未消
綠楊何處繫蘭橈
知君最是相思處
月落江頭夜半潮

高壁一首

壁字貴明紹興山陰人有遯菴集

雨窗卽事

春色雨中消
飛花亂如霰
坐久不成吟
開簾放雙燕

高廩一首

廩字居豐紹興山陰人有會稽懷古詩

遊靈峯寺

珠林迴象界寶閣俯重城佛境由來淨塵心到此清山光連
野碧湖影盪空明不見談玄客閒雲自送迎

韓永一首

永字景脩嘉興人

送陳處器

水自潺湲月自明黃昏溪上幾同行隔林何處吹長笛并作
思君一段情

陳顥二首

顥字漢昭嘉興人景融子有竹鄰集

姜南扣舷凭軾錄嘉興陳漢昭能詩寄題枇杷山鳥
圖云盧橘垂黃雨滿枝山禽飽啄已多時那知歲晏
空林裏竹實蕭疏鳳亦饑此詩怨刺之意見於不言
之表

題竹

湘江玉一枝風節清如許掃榻卧秋陰鷓鴣啼暮雨

秋螢

寒光一點映松蘿零落西風恨更多莫向波間照秋影滿溪

涼雨顛殘荷

張慙一首

慙字汝誠鄞人有東舉集

田按汝誠東舉集中如青燈夜雨頭新白黃菊秋風
眼暫明佳句遠尋流水外短筇閒挂白鷗邊夕陽茅
屋誰沽酒明月蘆花好放船閉門花雨鶯啼過捲幔
薰風燕入忙殊有別趣

清明感懷

自入春來不肯晴，幾番風雨過清明。
病餘蓬巷又花落，人靜茆堂唯燕聲。
川路久無舟可濟，石田方嘆犢難耕。
松楸望望何時埽，滿眼新煙空淚橫。

許穆二首

穆字士深松江華亭人

重遊姑蘇登黃氏舊樓

吳門煙柳綠參差，倚遍闌干有所思。
雨暗園林花落早，春寒簾幙燕歸遲。
蛾眉尙想臺前月，鶴髮空添鏡裏絲。
一曲悲歌弔陳迹，傷心不似舊遊時。

過謝氏舊宅

舊日繁華散曉煙尙餘甲地澱湖邊春風舞榭空羅綺夜月
樓臺罷管絃鶴唳華亭雲杳杳鶯啼金谷草芊芊誰憐門下
傷心客一度登臨一惘然

岑琬一首

琬字公琬餘姚人有雪崖集

錢塘偶成

盡舫行春醉欲迷湖光好在古城西不知傾國人何在楊柳
東風鳥自啼

馬景約一首

景約字自牧閩人

明妃曲

家國知何在風沙滿目愁惟餘天上月還似漢宮秋

張官一首

官字繼孟吳人有夢菴詩稿

題海棠雙鳥

雙雙何事爲春忙花底飛來羽翼香今夜且留枝上宿莫燒銀燭照紅粧

張羽一首

羽字孝翊黃巖人有掬清集

田按孝翊嘗從吳主一受詩法所居室名月窟宋景濂爲之記永樂中尙存徵修大典賜官不受

靜軒

平生心似水投老竟辭官地僻無人到雲深只自看白知新

髮短青戀舊瓊寒且喜無迎送焚香坐閉關

明詩紀事

貴陽陳田輯

乙籤

劉廌 三首

廌字士端青田人誠意伯基孫參政珵子洪武中襲封貶秩戍甘肅尋赦還永樂中卒於家有盤谷集十

卷

玉堂漫筆太祖時南京官僚想用傘蓋襲封誠意伯劉廌有華蓋殿侍宴退朝詩云團團褐羅傘被服金文章可見

雙淵秋潭

幽居罕人事欲與塵慮休行行雙淵阿愛此川上流蕩漾碧

潭影織鱗自沈浮兩虹出幽壑一鏡凝清秋忘形洲渚間洗
耳攀巢由

松磯釣石

結屋清淵阿意與林泉適行吟松下磯垂綸坐磐石得鮮豈
足娛懷曠理自得樹影拂天光山氣冷水色自非釣璜士復
與塵囂隔最哉懷古人豈敢忘疇昔

會甯道中別姜惟清主事

八千道路邊疆去回首甘涼憶舊遊沙塞孤城胡騎接玉關
落日酒泉流哈爾果實供盤饌蘇魯麻芻解客愁此日故人
重會別秣陵歸思不勝秋

郭武一首

武字炅隆營國公英孫贈定襄伯鉅子官尙寶司丞
夜泊湘陵縣逢袁公禮成貴州

青山如龍渡江去江上波濤濕煙樹三湘七澤枉帆過水綠
蘋香是何處清波渺渺愁予心寒猿故故嘯楓林誰將橫笛
叫清夜一曲武夷深復深憐君遠成烏蠻客把酒燈前話離
別相逢何必舊相知惆悵回船江月白

郭登 五首

登字元登尙寶司丞武弟洪熙時授勳衛正統中擢
錦衣衛指揮僉事超拜都督僉事景帝監國進都督
同知再進右都督景泰初封定襄伯英宗復辟掌南
京中府事以事論斬宵死降都督僉事憲宗卽位復

伯爵成化中卒諡忠武贈侯有聯珠集

麓堂詩話國朝武將能詩者莫過定襄伯郭元登謫
甘肅時有送家翁歸朝詩曰青海四年羈旅客白頭
雙淚倚門親莫道得歸心便了天涯多少未歸人又
日甘肅州城南河水流甘肅城北胡雲愁玉關人老貂
裘敝苦憶平生馬少游子集蒙翁類博稿見舊草紙
背翁親書王母宮四律愛而錄之頗疑無改竄字與
他草不類久之見所謂聯珠集者乃知爲此老詩幸
不誤錄也
王奉常集定襄起將校得之於邊雲塞草間已復謫
戍老困思歸而後詩益工
國雅定襄節概頗奇不顧文辭
靜志居詩話定襄山王樹樹諸篇力已排算至詠臬
之作直兼張王韓杜之長豈惟武臣一時臺閣諸公
孰出其右
田按忠武詩才力雄博大篇最爲見長竹垞推其詠
臬諸作可謂具眼沈歸愚以爲非詩正聲非通論也
聯珠集今鮮傳本余就所見
錄之殊憾不足盡所長耳

過安南衛

絕頂見孤城征驛向曉行鳥呢多異響花發不知名石澗閒
雲碓山田趁火耕愁聞耆老說三月未曾晴

普安道中

竹暗藤荒路欲迷一重山度一重溪枯槎偃蹇如人立蠻語
侏儣似鳥呢花底雨晴飛蛺蝶水邊冬煖見虹霓祇應風味
堪題處三寸黃柑壓樹低

梅花鋪

綠樹冬深不怕霜怪來風土說南方人經蠻寨愁蛇蠱客聚
盤江趁虎場翠黛插雲山似戟潢流蒸氣水如湯王師到處
霑恩澤甘雨隨車洗瘴鄉

自緬甸迴感懷寄沐征南

毒霧昏昏水拍天孤帆風雨瘴江邊鯨波去日渾如夢虎穴
歸來始自憐終夜眼穿看北斗幾人身已試蛟涎滇陽萬里
渾驚訝又隔滇陽路五千

暮春登大同西北城樓同仰寺丞瞻潘御史洪賦

滿地花飛春已闌溪風山雨更生寒浮雲蔽日終難散腐柱
擎天恐未安西北兵戈猶擾攘東南民庶半凋殘先朝遺老
慚無補獨對西風把淚彈

沐昂一首

昂字景鵬

四庫總目昂字景高不字景鵬疑其初字景高至洪熙元年後避仁宗之諱改高

爲顯史未及詳

黔甯昭靖王英子初爲廂軍左衛指揮僉事

永樂中擢都指揮同知領雲南都司累遷至右都督

正統初代兄子斌鎮守雲南卒贈定邊伯謚武襄有

素軒集

四庫總目滄海遺珠四卷沐昂所編共詩三百餘首皆
明初流寓遷謫於雲南者以其爲劉仔肩王佩諸家
詩選所不及故名曰遺珠此編去取精審所錄多裴
然可觀自古以來武人能詩者代代有之以武人司
選錄而其書不愧善
木者惟此一集而已

和遂先生聞砧韻

秋高萬木脫林陽與子庭前閒綠醕忽聞別院動砧聲西風
吹斷蕭蕭雨隔岸人家紅樹稀辭巢燕子故飛飛酒酣自起
爲君舞正愛涼颼吹我衣

沐璘二首

璘字廷章定邊伯昂孫景泰初以都督同知鎮守雲

南有繼軒集

菽林伐山雲南都督繼軒沐璘字學皇象畫學米元
 章詩學六朝盛唐以僻遠人罕知之
 升菴集邱文莊公曰自漢南越入中國始有南海然
 西海竟不知所在今望祀西海於蒲州淇之極西百
 夷之外間有大海通西南島夷即西海也宜於雲南
 城望祀之慎案王莽立西海郡於西甯之地亦妄也
 今滇西百夷之外有大海在今阿瓦地沐璘為都督
 曾至其地有詩云蛇首樓船十丈長船頭鑄鼓樂笙
 簧篙師百櫓齊搖去阿瓦城邊水似湯即西海無疑
 矣
 田按沐氏自黔甯以來世
 有傳詩繼軒詩極有風韻

臨安荔枝

建水夫何如厥土早而熱蠻花開佛桑候禽罷鵲鳩莽雲覆
 溟濛梅雨滋霽翳接地茂耵枝遮空舒黛葉翠葆霞焜煌錦
 幄風掀揭香麝息經過飛驒防盜竊勁雛赤膚脫肥膏瓊穠

凸明璫怪可殮冰丸訝許鬻鳳爪天下奇龍牙眾中傑飽食
慚素餐長吟望林樾

遊無爲寺

白石磷磷積翠巒林花深處有茅菴煮茶迎客煙生竈廟筍
出山雲滿簋香熟龍涎清沴氣壁懸麈尾罷清談野禽時見
人來往驚觸崖花下石潭

王清一首

清字一甯合肥人世襲濟甯衛指揮遷廣東都指揮
死於寇難有建囊集

雙槐成鈔王清濟甯衛指揮懋懋多勇略常提兵入
備宣德間率所部出喜峯口及至鴛鴦海覘虜累立
奇功曾有句云落日龍荒胡虜還劍光直射斗牛寒
少年氣節應無敵肯負平生一寸丹正統丁巳升廣

東都指揮以親老不道迎養陳情乞分俸於原衛詔
許之蠻夷叛據大藤峽清往討有功已巳協同總兵
駐軍高州廣賊黃蕭養劫鄉民叛眾十餘萬圍攻廣
州清帥舟師赴援至沙角尾水淺舟膠失利被執賊
素知清威望不敢害清投水不死因寄衣還廣城中
大書詩云半夜愁吟海珠寺幾回夢墮鬼門關數日
賊擁清至城下使諭眾開門降清罵賊不絕遂遇害

遊青山

天際芙蓉紫翠重巖前古廟倚長松陰廊碑斷蒼苔合空洞
雲歸碧筱封爭樹有時喧鳥雀殷雷無地走蛟龍題詩卻憶
登臨日曾醉煙霞最上峯

明詩紀事

貴陽陳田輯

乙籤

馬愉一首

愉字性和臨朐人宣德丁未第一人及第授修撰正統中再遷至侍讀學士入內閣參預機務進禮部侍郎卒贈尙書有澹軒集七卷

翰林記大學士楊榮家於長安東門之南宣德三年三月學士楊溥掌院事率僚友迎首甲馬愉等三人宴其中楊士奇因名其堂曰聚奎爲文以識之衆皆賦詩自是遂爲例不知何時此禮遂廢然館閣相與宴集猶謂之聚奎宴蓋自此始也

題李鎮撫公餘清趣卷

沙場走馬獵初還細柳轅門盡日閒倚閣攤書開翠幌凭欄
敲句對青山數聲鶴唳蒼松下一曲瑤琴綺席間正是太平
烽火熄雕弓長弛不須彎

蕭鐵三首

鐵字孟勤泰和人副使神子

見甲

宣德丁未進士選

庶吉士授編修正統中進侍讀國子祭酒景泰初兼
翰林學士入直文淵閣尋進戶部侍郎再進尙書英
宗復辟削籍歸成化中復官有尙約居士集

田按孟勤宣德二年丁未進士至八年合丁未庚戌
癸丑三科共選二十八人爲庶吉士孟勤居首史稱
其學問該博文章爾雅余檢尙約集五言冲淡有章
柳遺意

題山水圖

二首

身已與世違超然景方寂嘉樹敷層陰蒼苔間行迹亭亭山
上雲齒齒溪中石豈無同心人相賞共晨夕

青山何岩巒下有嘉樹林高亭晝閒敞窗戶含層陰好鳥鳴
檐間始知春意深迴無物外累默處抱沖襟

南皋慢興

朝衣脫却換荷裳自是郊居引興長松徑曉煙蘿薜暗藥欄
春雨杜蘅香傳經有客隨藜杖載酒何人問草堂更擬垂綸
理清棹武陵溪水卽滄浪

吳惠

四首

惠字孟仁吳人宣德丁未進士除行人歷官桂林知
府廣西參政

田按孟仁有投洋詩云使臣雖涉疆威靈挾玉冊煌煌大明詔海君敢失職告爾應有知安瀾送飛驒王整廣澤編云孟仁使占城時海風暴作操筆爲文投洋水中風濤頓息當卽指此詩也孟仁入義甯峒一篇具體昌黎母謂永宣間無作家也

入義甯峒

天設此邦險乃爲蠻獠窟亂峯青入天萬石雲中突峭壁矗崇墉古洞嵌砦砭關門守一夫仰面攻豈得從來詐力徒恃此每狂悖撫馭失其宜禍作勞剪伐嗟彼蠻獠人生亦具膚髮天性匪盡乖順逆理可奪單車抵其壘開誠破迷惑涕泣盡投刃盟心忤裁制兵氣潛以消約束鮮唯刺頓覺噉噉處嵐光堪挂笏迺知邊燧開十五激之發柔遠有經綸禁網尙

疏濶

喜雨

山城五月土欲焦
浮雲瀰漫橫四郊
昏黑須臾失天地
滂沱高下平塘坳
及時萬畝播嘉穀
鼓腹百姓歡衡茅
張燈置酒宴嘉客
醉翁亭記當笙匏

水災後過淮作

聞道淮安富開倉
復賑貧江南半天地
小惠莫言春

春日漫興

十日不出花盡開
城南城北錦成堆
卽教閉戶從花盡
莫遣看花不醉歸

徐珙一首

珙字聯璧錢塘人宣德丁未進士除太僕丞出爲寶

慶知府有西湖散人稿

畫眉

野性從來不受羈隨聲百轉任高低也曾鎖向雕籠聽不及
林間恣意嘯

林文四首

文字恒簡莆田人宣德庚戌第三人及第授編修正
統初進修撰景泰中進春坊諭德兼侍講再進庶子
英宗復辟改尙寶司卿拜學士成化初進太常寺少
卿仍兼學士卒贈禮部侍郎謚襄敏有澹軒稿

田按澹軒詩格清遠
有儻然出塵之致

題山水圖三首

淑氣轉林壑青陽變故陰新花發枯木弱植鳴幽禽
言訪知己攜我床上琴欲調陽春曲庶以貽知音

山屋隱雲深危峯倚天立澗轉暗泉通林疏斜影入披襟納
松風臨流坐苔石浩歌澹忘歸於焉以終夕

蘋末起西風秋聲振林壑山雲卷復舒林葉埽還落郊墟轉
新涼展卷窗下讀榮辱了不聞終身成獨樂

鷓鴣圖

芳竹叢深路不分聲聲相應隔湘雲別來忽向圖中見彷彿
江南曲裏聞

李棠四首

棠字宗楷縉雲人宣德庚戌進士授刑部主事歷員

外郎中超擢本部侍郎巡撫廣西有蒙齋集

田按宗楷在刑部以善聽斷名於時超拜侍郎巡撫廣西有惠政以恩明士知府黃珣為庶兄珣所殺宗楷廉得其實獄已具珣使人走京師請景帝廢太子立己子帝大喜立擢珣都督同知遂不得竟其獄謝病歸詩有陶韋遺韻

燕清入詠有序錄四

余至廣西之明年視公署後一小軒頽然將歷欲葺之以便燕息之所時寇起歲殷輟環四方無虛日故未暇及越壬申秋寇平且得歲民用乂康余樂甚因命工葺之揭其楣曰燕清公事之餘日尚羊其間軒之前植物八品玩之為樂興之所至初不知物之為我而我之為物也各賦一詩合為入詠

質性本巖壑何年植軒墀栽培豈人力亦荷乾坤私肯聞出
蕭艾今已干雲霓嗟彼蒲與柳經秋忽先萎顧惟堅貞操青
青閱四時願言託幽契歲晚相因依

右松

弱質怯寒沍託根本炎荒去冬與今春冰雪一月強老幹凍
欲死枝葉萎且黃到今秋已深疏花始芬芳興衰感物理恒
焉成內傷

右素馨

種菊滿籬落杖策時一行匪徒事遊豫愛此秋氣清引觴注
醕醪泛泛黃金英取醉亦有適豈必制頽齡有懷時激烈長
歌振林垌緬思靖節翁悠然千古情

右菊

種竹我來初森森已成叢悵焉感時序浪迹成飛蓬所賴天
降康豐年及野農移床坐層陰市地光玲瓏高歌激商灝習
習來清風邊氓旣云樂久客何憂冲

右竹

薩琦一首

琦字廷珪閩人宣德庚戌進士選庶吉士授編修正
統中進侍讀景泰中擢禮部侍郎兼少詹事

早朝

鵠立彤墀夜未央參差環珮觀明光嵩呼近識龍顏喜御坐
濃華雉尾香花霧煖開金殿曙柳煙晴引玉階長招搖仁轉

千官肅遙聽鐘聲出建章

方熙 一首

熙字孟明莆田人宣德庚戌進士選庶吉士出爲潮州通判有東軒集

東巖

石徑蒼苔古長廊白晝閒臺花和雨墜獨鳥向人還

毛宗魯 一首

宗魯字師曾掖人宣德庚戌進士官御史有葵軒稿

王士祿詩音集宗魯詩筆流潤惜不多見

大澤山

芙蓉朵朵倚空碧蒼松倒挂巉峨石山頭雨過霽色鮮嵐氣

浮空翠欲滴白雲出岫本無心時時繞護禪房陰衲子挂錫
無他事跣趺日坐蒼苔深

范理一首

理字道濟天台人宣德庚戌進士授江陵知縣擢德
安知府再擢福建布政使改貴州拜南工部侍郎改
吏部有丹臺稿

口按楊文定執政時其子自家來省道出江陵不爲
縣令所禮乃天台道濟也文定重之擢爲德安知
府再擢布政使或勸當致書謝道濟曰宰相爲朝廷
用人非私理也人兩賢之道濟治吾黔實惠及民祀
之名

石梁

萬疊雲山紫翠重微茫一徑路遙通忽聞鐘磬穿雲出漸見

樓臺隱霧中，瀑向巖前飛。玉屑人從天上踏，銀虹此身卽是登。方廣變幻何須更遠窮。

鍾順二首

順字必華南海人，宣德壬子舉人，知沔陽州，擢太平知府，有鳴盛集。

荆南晚眺用劉仔肩韻

日落晴川泊去舟，眼前風景憶曾遊。青分松逕山邊寺，紅隱楓林驛外樓。過雁遠牽孤客恨，清砧偏動異鄉愁。一官牢落成何用，空有丹心戀帝州。

清夜聞笛

小樓人醉月初斜，歸思迢迢隔海涯。短笛誰吹斷腸曲，滿庭

香雪落梅花

徐有貞 四首

有貞初名理字元玉吳人宣德癸丑進士選庶吉士授編修歷修撰侍講春坊諭德擢僉都御史進左副都御史英宗復辟拜華蓋殿大學士兵部尙書封武功伯未幾下獄戍金齒尋赦還有武功集五卷

吳中往哲記武功伯夙負高才談鋒文氣英邁莫敵兼葭堂雜鈔徐武功居史館修何尙書文淵事賦詩曰温州太守重來歸昔何廉退今何違卻金館在已如掃掩月堂寒空掩扉人間固有假仁義天下豈無真是非老夫忝乘春秋筆不作諛詞取世議匏翁家藏集天全翁自南詔歸適大參祝公僉憲劉公皆致仕家居登臨遊賞之樂必共之酒酣興發更倡迭和落紙人爭傳之以爲奇姑蘇志徐元玉詩文雄偉奇麗詞尤妙絕弇州四部稿武功伯於書少所不窺能詩歌善行草

得長沙素師米襄陽風

書史會要武功書法古雅雄健名重當時

田按武功恒云左邊堆數十萬金右邊殺人流血而
目不轉者真宰相也此語亦太露殺機陷于忠肅傾
險甚矣得流

金齒亦幸事

輓東萊黃少保

公也人中傑乘時起海濱
明良欣際會屯難見經綸
鸞鳳無卑集龍蛇有屈伸
立成多直諫懷愼素安貧
冀北初分治南交久撫馴
居官方保奭留守比君陳
奄嘆摧梁木俄驚委大椿
悲風來萬里陰景翳三辰
遺烈存青史餘休啟後人
淒涼聞計日哀思動儒紳

登獅山

麥黃天氣爽如秋乘興聊爲岩嶠遊
香徑踏花來洞口小舟

送酒過溪頭橫塘樹色連龍陽茂苑煙光接虎邱絕勝竹林
觴詠處卽今誰數晉風流

題畫

山下雲連山上溪西水接溪東舟渡白鷗飛處人行綠樹陰
中

鷗鵠圖

煙雨蕭蕭苦竹秋感人常自叫鉤輅披圖無限江南思不必
聞聲也自愁

李賢一首

賢字原德鄧州人宣德癸丑進士授吏部主事進郎
中擢兵部侍郎改戶部英宗復辟兼翰林學士入直

文淵閣預機務進尚書坐事下獄謫福建參政未行
留爲吏部侍郎尋復官進太子太保成化初進少保

華蓋殿大學士卒贈太師謚文達有古穰集三十卷

國史雅疑郭璉爲兵部尚書雅持正試進士李賢嘉
禾詩謂有公輔器與張統之識楊士奇事同

雙槐歲鈔文淵閣右植芍藥有臺相傳宣廟幸閣時
命工砌者初植一本居中澹紅者是也景泰初增植

二本純白居左深紅居右舊常有花自增植後未嘗
一開天順改元徐有貞許彬薛瑄李賢同時入爲學

士居中一本遂開四花其一久而不落旣而三人皆
去惟賢獨留人以爲兆明年暮春忽各萌芽左二右

三中則甚多而彭時呂原林文劉定之李紹倪謙黃
諫錢溥相繼同升學士凡八人賢約開時共賞首夏

四月盛開八花賢遂設燕以賞之時賢有玉帶之賜
諸學士各賜大紅絨衣且賜宴因名純白者曰玉帶

白深紅者曰宮錦紅澹紅者曰醉仙顏惟諫以足疾
不赴明日復開一花衆謂諫足以當之賢賦詩十章

閣院宮寮咸和棠成曰玉堂賞花詩集
納蘭成德渌水亭雜識玉堂賞花會賦詩者四十人

乙歲金十六

韻詩各別紀於後	藥用東冬清青爲	韻本集此後成化中徐少傳溥賦內閣芍藥用吟扉二	劉學士定之則玉帶白宮錦紅醉仙顏各賦一詩見	讀諫句云資福玉盤先逞白廣陵金帶總腰黃永新	賜黃又云近侍曾聞亞姚魏品題今喜得蘇黃黃侍	句云金花應瑞舊圍黃倪學士諱句云玉帶攀名新	田按諸公和李文達內閣芍藥黃字韻詩彭學士臨	時作後序	臨淮凌耀宗中書舍人江東曹冕詩成李賢序之彭	泰和陳穀侍書則浙江謝昭其二人則禮部員外郎	邢讓翰林五經博士則天台鮑相典籍則西蜀李鑑	楊守陳臨江吳匯檢討則嚴州傅宗安成張業河東	潘泰和尹直安陵王俱係姚戚濶宜興徐溥瓊山邱	則西蜀李本昆陵王野劉吉錢塘童緣華容黎瀉編修	撰則吳中陳鑑博野劉吉錢塘童緣華容黎瀉編修	安漁陽李泰中允則古杞孫賢贊善則范陽牛綸修	城黃諫詹事則廬陵陳文長洲劉鉉侍講則眉山萬	成李紹永新劉定之錢塘倪謙東吳錢溥侍讀則金	學士則南陽李賢安成彭時機李呂原甫田林文安
---------	---------	-----------------------	----------------------	----------------------	----------------------	----------------------	----------------------	------	----------------------	----------------------	----------------------	----------------------	----------------------	-----------------------	----------------------	----------------------	----------------------	----------------------	----------------------

除夜書懷

使節淹淮甸殘冬接早春揚州除夜客湍水未歸人歌管千家樂琴書旅舍貧鄉懷從此切清淚欲沾巾

周旋

一首

旋字中規永嘉人正統丙辰第一人及第授修撰進侍講兼左春坊左庶子有畏庵集十卷

泉川耕讀

南山崇且深溪水清以漣良田百餘畝草屋八九椽藹藹桑麻場漠漠榆柳煙清晨荷鋤去日暮荷鋤還孺子掩柴扉攤卷青燈前讀罷命濁酒取醉輒復眠

劉定之

三首

定之字主靜永新人舉人髦子正統丙辰第三人及第授編修遷春坊洗馬再遷右庶子英宗復辟改通政司參議尋改翰林學士進太常少卿成化初兼侍講學士入內閣預機務擢工部侍郎改禮部卒贈尙書諡文安有呆齋集四十五卷

水東日記劉洗馬定之與兵部侍郎王偉遇於朝偉戲劉曰吾太僕馬多公須一一洗之劉應聲曰何止太僕諸司馬不潔我固常洗之聞者快之翰林記劉井學士劉定之所浚在公署後堂之左麓堂詩話劉文安公不甚喜爲詩縱其學力往往有出語奇崛用事精當者如英廟輓歌石鐘山歌等篇皆可傳誦殿閣詞林記成化中學士劉定之應制賦元夕詩絕句百首頃刻而成

題子昂洗馬圖

烏騅赤駟皆龍種對立春風耳雙聳蹄鐵高蹠疑削成垂項
長鬣欲飛動固官牽來意態閒老髯側立何蒼顏攘袂並語
乃年少紅衫黑鞵面如盤氣象本自陰山北人馬俱帶風霜
色相將雄跨入九軍便欲長驅周八極想當有元乘運時天
閑育此神駿姿振策南馳御宇內降王萬里皆繫繫趙公王
孫目所覩含毫揮染心宜苦固知名筆掩曹韓可惜裸將來
黼黻百年縑素人珍藏錦囊玉軸相輝煌乾旋坤轉須臾事
畢于來獻真飛黃

江湖勝覽

扁舟遊江湖歷覽旣已廣有如閱奕棋變態須臾往聊用適
吾意奚必復存想嗟君好事寫作圖時一觀之更有娛乃知

翰墨亦所好如此高懷不可無我行衛河正春暮中原萬里
羅煙樹澶淵鷗泛水東流太行龍騰勢南去前代功名那復
知白髮老叟談明時閭閻歌舞樂堯舜梯航朝貢來四夷請
君過此駐鳴櫓爲我登臨一弔古曹操台前尋片瓦信陵墳
上酬坏土

裕陵輓詞

睿皇厭代返仙宮武烈文謨有祖風享國卅年高帝並臨朝
八閩太宗同天傾玉蓋旋從北日昇金輪卻復中賜第初元
臣老朽負恩未報泣遺弓

程思溫一首

思溫字叔玉婺源人正統丙辰進士禮部員外郎死

土木之難

鳳池

玉殿分行曉侍班
退朝花底珮珊珊
鳳池春煖多清暇
自把龍涎試博山

王偉 一首

偉字士英攸人
正統丙辰進士
選庶吉士授戶部主事
遷兵部郎中擢侍郎
有桐山集七卷

閒中偶成簡杜大尹

岸幘披襟酒乍醒
久居林下已忘形
侵尋老景雙蓬鬢
流落天涯一草亭
春漲水添千頃綠
雲開山擁半空青
年來博得閒中趣
一任浮生迹似萍

林壁一首

壁字貴璧黃巖人正統丙辰進士除禮部主事再遷南吏部郎中

梅溪明因寺

開戶碧峯入問途黃葉封寒泉鳴絕澗落日在高松

李順一首

順字思誠博羅人正統丙辰進士授戶部主事改刑部遷員外出爲福建按察僉事歷福建參政山東浙江布政使拜工部侍郎

承召之京憶羅浮

吾郡佳山水羅浮天下聞自隨丹鳳詔閒卻玉床雲流水清

無限梅花瘦幾分欲歸歸便得猿鶴莫移文

戴埴 一首

璵字汝器南海人正統戊午舉人官訓導有靖節集
送張序班還京

官舍花枝映酒卮離筵玉管雜青絲客情後夜知何處樽酒
今朝醉莫辭雨過江城榕葉暗月明山路馬行遲誰云吏隱
金門下會見承恩出鳳池